

SCRIPT OF EVENING GOJRI NEWS BULLETIN 16OCT 1700 HRS

ایونینگ گو جری نیوز بلیٹن مورخہ 16 اکتوبر 2025

یوہ آکا شوانی جموں ہے عبدالرحمان تے نصرت چوہدری تیں خبر سُنو۔

HEADLINES

- ۱۔ وزیر داخلہ امت شاہ نے کہیو کہ غیر ملکی زمیناں تیں کم کرن آلاں مجرماں غے خلاف صفر برداشت غی پالیسی اپنائی جے غی۔
- ۲۔ لیفٹیننٹ گورنر منوج سنہا نے کہیو کہ جموں کشمیر گاناوجوان تنوع تے ثقافتی ورثہ تیں تعلق مضبوط کرغے قومی تعمیر مانہہ اپنو کردار ادا کر رہیا ہیں۔
- ۳۔ نائب وزیر اعلیٰ سریندر چوہدری نے کشمیر ہاٹ سرینگر مانہہ گاندھی شلپ بازار 2025 غا پہلا شمارہ غو افتتاح کیو ہے۔
- ۴۔ وزیر زراعت جاوید احمد ڈار نے آئی یو ایس ٹی مانہہ سائنسی شہد غی مکھیاں غا پالن ور 2 روزہ قومی سیمینار غو افتتاح کرتا قان کہیو کہ شہد غی مکھی، زرعی پیداوار نانہہ بدھاویں تے دیہی روزگار نانہہ بہتر بناوے۔
- ۵۔ غزانی تحفظ تے معیار بارے بھارتیہ اتھارٹی یعنی ایف ایس ایس اے آئی نے تمام ریاستاں تے مرکزی زیر انتظام علاقان نانہہ ہدایت دتی کہ تمام خوراک غا کاروباری اپنی مصنوعات تیں لفظ او آر ایس نانہہ ہٹائیں۔

SHAH FUGITIVES

مرکزی وزیر داخلہ امت شاہ نے اج کہیو ہے جے اقتصادی معاشی مجرماں سائبر مجرماں دہشت گرد سرگرمیاں مانہہ ملوث افراد تے تمام دوجا مجراں غے خلاف سخت تے بے رحم موقف اپنانو ضروری ہے تانجے اُنہاں نانہہ بھارتیہ عدالتی نظام غے سامنے آئیو جاسکے۔ یاہ گل اُنہاں نے سی بی آئی غے زیر اہتمام مفرور مجرماں غی حوالگی للکار مسانیل تے حکمت عملی غا عنوان سنگ منعقدہ کانفرنس سنگ خطاب کرتاواں کہی مرکزی وزیر داخلہ امت شاہ نے مزید کہیو جے صفر برداشت غی پالیسی نہ صرف بدعنوانی جرائم تے دہشت گردی غت خلاف اپنائی جے بلکہ اُن مجرماں غے خلاف وی جہڑہ بیرون ملک تیں سرگرم ہیں۔ اس موقع ور بولتاواں اُنہاں نے اس طرح کہیو۔

LG LIT FEST

لیفٹیننٹ گورنر منوج سنہا نے اج کہیو کہ جموں کشمیر غاناوجوان بُن ملک غی تاریخ اقدار تے امنگاں تیں جُر رہیا ہیں اُنہاں نے کہیو کہ نوجوان ملک غا مختلف ثقافتاں تے تنوع تیں جُر غے ایک مشترکہ ثقافتی شناخت نانہہ مضبوط بنا رہیا ہیں جہرو قوم غی تعمیر مانہہ مددگار ثابت وے گو ایل جی موصوف نے کولگام مانہہ وشو ادبی میلہ غی افتتاحی تقریب تیں ویڈیو کانفرنسنگ غے ذریعے خطاب کیو 2 روزہ ادبی میلہ مانہہ ادیبان فنکاراں تے قارئین نانہہ ایک ساتھ لیا غے ادب نوی سوچ تے تخلیقی کماں نانہہ فروغ دین گو موقعو دتو جارہیو ہے لیفٹیننٹ گورنر نے کہیو یوہ پروگرام ادب غی قدر دانی نانہہ فروغ دے غو تے برادری غا تعلقات نانہہ مزید بہتر بناوے گو اُنہاں نے

مزید کہیو کہ جموں کشمیر گامعارف ادیبان غی تحریران نے کئی نسلان نانہ متاثر کیو ہے۔

LG NSG

لیفٹیننٹ گورنر منوج سنہا نے اج 41 ویں این ایس جی ریزنگ ڈے گاموقع ور قومی سیکیورٹی گارڈ غا تمام بہادر اہلکاران تے اُن گاہل خانہ نانہ مبارک دتی اُنہان نے ملک غی حفاظت ماتہ این ایس جی اہلکاران غی بے لوٹ قربانیاں نانہ سہرايو تے اُن بہادران نانہ خراج تحسین پیش کیو جنہان نے بھارت غی خود مختاری تے سالمیت غی حفاظت کرتاواں اپنی جان قربان کی قومی سیکیورٹی گارڈ بھارت غی ممتاز فورس ہے جہڑی دہشت گردی غے خلاف کم کرے تے اس نانہ 16 اکتوبر 1984 مانہ قائم کیو گیو تھو تے یاہ فورس اج وی قومی سلامتی نانہ یقینی بنان مانہ اہم کردار ادا کرے۔

DY CM SHILP BAZAR

نائب وزیر اعلیٰ سریندر چودھری نے اج سرینگر غا کشمیر ہاٹ مانہ گاندھی شلپ بازار 2025 غا پہلہ شمارہ گو افتتاح کیو ہے اس پروگرام غو انعقاد تجارتی باہدہ بارے جموں کشمیر تنظیم یعنی جے کے ٹی پی او غے زیر اہتمام تے کپڑہ وزارت حکومت بند غا دستکاری بارے ترقیاتی کمشنر غا دفتر گاتعاون سنگ کیو گیو۔ یاہ تقریب قومی دستکاری ترقیات پروگرام غے تحت بھارتی دستکاریاں غا فروغ مانہ ایک سنگ میل غی حیثیت رکھے ایت اُن آلا افراد اس نمائش وفروخت مانہ بھارت غی بہترین دستکاریاں غو تجربو کرسکیں جت وے روایات فنکاری تے کاریگری گاہسین امتزاج نانہ ایک ہی چہت غے زیر سایہ دیکھ سکیں یاہ تقریب 21 اکتوبر 2025 تک جاری رہ گی بعد مانہ تقریب غا افتتاح توں بعد ذرائع ابلاغ سنگ گل کرتاواں نائب وزیر اعلیٰ نے اس طرح کہیو۔

UNITY MARCH KATHUA

سردار @ 150 یونٹی مارچ مہم غے تحت کٹھوعہ مانہ ایک یونٹی ریلی کڈی گئی یاہ ریلی متحد ترقی یافتہ تے خود کفیل بھارت غا فولادی انسان سردار ولب بھائی پٹیل غی 150 ویں سالگری غی یاد مانہ منائی گئی جن گانظریہ تے عزم نے ٹکڑا مانہ بٹیاوا بھارت نانہ ایک کیو تھو اس موقع ور مرکزی وزیر ڈاکٹر جتندر سنگھ نے تقریب غی صدارت کی یونٹی ریلی ڈریم لینڈ پارک تیں شروع ہوئی تے لڑکا گاہورنمنٹ ڈگری کالج مانہ اختتام پزیر ہوئی۔

AGRI MIN BEEKEEPING

محکمہ زرعی پیداوار دیہی ترقی وپنچانتی راج امداد باہمی تے چناو بارے وزیر جاوید احمد ڈار نے دوروزہ قومی سیمنار غو افتتاح کیو ہے جس غو عنوان سائنسی طور شہد غی مکھیاں غا پالن نانہ تیل آلا بیج مشن سنگ مربوط کرنو ہے یوہ پروگرام اج سائنس وٹیکنالوجی بارے اسلامک یونیورسٹی اوتنی پورہ غا جدتی کیمپس مانہ شروع ہوو۔ وزیر موصوف اس موقع ور مہمان خصوصی تھا اُنہان نے آئی یو ایس ٹی غا اختراعات تے کاروباری مواقع نانہ فروغ دین غی کاوشاں نانہ

سہرايو۔ اُنہاں نے اس گل ور زور دتو جے شہد غی مکھیاں غی آفرائش زرعی
پیداوار مانہہ آصافو ماحولیائی توازن تے حیاتیاتی تنوع غا تحفظ واسطے نہایت اہم ہے۔

FSSAI ORS

غزائی تحفظ تے معیار بارے بھارتیہ اتھارٹی یعنی ایف ایس ایس اے آئی نے تمام
ریاستاں تے مرکز غے زیر انتظام علاقان مانہہ ہدایت جاری کی ہے جے وے تمام
غزائی تجارت کرن آلاں مانہہ اس گل غو پابند بناویں جے وے اپنی غزائی مصنوعات
تیں او آر ایس غی اصطلاح مانہہ ہٹا دیں ایف ایس ایس اے آئی نے تمام متعلقہ
عہدیداراں مانہہ کہیو ہے جے وے غزائی تحفظ و معیار بارے قانون یعنی
ایکٹ 2006 غے تحت لیبلنگ تے تشہیر غے متعلق ضابطاں ور سختی سنگ عمل در
آمد مانہہ یقینی بناویں۔

POSHAN MAAH REASI

ریاسی مانہہ پورا مہینہ جاری رہن آلی سرگرمیاں غو اختتام اج ایل اختتامی پروگرام
غے نال ہوو جس غو مقصد معاشرہ گا تمام طبقات مانہہ غزائیت تے صحت غا بارہ
مانہہ شعور دینو تھو ڈپٹی کمشنر ریاسی ندھی ملک اس موقع ور مہمان خصوصی
تھیں اس موقع ور خطاب کرتا واں اُنہاں نے خواتین تے بچاں غی غزائی صحت مانہہ
یقینی بنان مانہہ برادری غی شمولیت غی اہمیت ور زور دتو۔ اُنہاں نے مزید اس طرح
کہیو۔ اختتامی پروگرام غا حصہ غا طورور ایک آگاہی ریلی وی کڈی گئی تانجے
صحیح پوشن دیش روشن غو پیغام عام کیو جاسکے۔

JMC YOGA

جموں بلدیاتی کارپوریشن نے پوشن ماہ 2025 غے تحت جموں گا زنانہ پارک مانہہ
خواتین تے طلبہ واسطے یوگا سیشن غو اہتمام کیو اس سیشن غو مقصد یوگا غے
زریعے خواتین غی جسمانی صحت مانہہ فروغ دینو تھو مقامی لوکاں نے جے ایم سی
گو شکریو ادا کیو تے خواتین غی اچھی صحت واسطے یوگا غی اہمیت ور روشنی
کہلی۔ کچھ شرکاء نے جے ایم سی غا اس قدم مانہہ سہراتا واں اس طرح کہیو۔

MEDICAL CAMP

آسام رائفلز نے ضلع ڈوڈہ غا علاقہ تھالایلا مانہہ ایک طبی تے جانوراں غا علاج
غو کیمپ گو انعقاد کیو جس مانہہ خاص طورور بزرگاں تے بچاں غی فلاح ور توجہ
دتی گئی کیمپ مانہہ مفت طبی جانچ علاج تے دوا فراہم کی گئیں جن تیں 300 تیں زیادہ
افراد ناہ فائدو پُجیو یوہ قدم آسام رائفلز غو مقامی تے سرحدی علاقان مانہہ رہ رہیا
عوام غی صحت تے بھلائی واسطے مسلسل عزم مانہہ ظاہر کرے۔
